



ՀՆԴԻԿ ՄԱԼԱԲԱՐ ԵԿԵՂԵՅՈՒ ՊԱՏՎԻՐԱԿՈՒԹՅԱՆ ԱՅՅԸ ՄԱՅՐ ԱԹՈՒ

Սեպտեմբերի 21-ին՝ հինգշաբթի օրը, Վեհափառ Հայրապետի հրավերով, գիշերվա ժամը 11-ին Մայր Աթոռ ս. Էջմիածին է ժամանում հնդիկ մալաբար եկեղեցու պատվիրակությունը՝ Քոչինի միտրոպոլիտ, Նորին Գերաշնորհություն **Տ. Հովհաննես Մար Սեվերիոսի** գլխավորությամբ:

Պատվիրակության կազմում էին՝ **Տ. Թովմաս Մար Տիմոթեոսը**՝ Բերալայի նահանգի Կալիկաթի միտրոպոլիտը, Քոթայառի աստվածաբանական ճեմարանի փոխ-տեսուչ **Ռ. Մ. Վ. Ջորջը**, Բերալայի կաթողիկոսական կոլեջի դասախոս **Ռ. Պ. Ա. Սամվելը** և կաթողիկոսարանի քարտուղար **Հակոբոս Ստեֆանը**:

Պատվիրակությանը ուղեկցում էր Մոսկվայից՝ Վոլոկորոցկի և Վելիկուսայոյմսկի **ու. Մելիքսեղեկ եպիսկոպոսը**:

Երևանի օդանավակայանում, հանուն Հայոց Հայրապետի, քույր եկեղեցու պատվիրակությանը դիմավորում են՝ լուսարարապետ տ. Հայկազուն արք. Աբրահամյանը, ճեմարանի տեսուչ տ. Ներսես ծ. վարդապետը և տ. Մուշեղ վարդապետը:

Իջման ս. սեղանի առաջ իրենց ուխտն ու աղոթքը կատարելուց հետո, հյուրերը առաջնորդվում են վեհարան, ուր նրանց ընդունում է Ամենայն Հայոց Հայրապետը:

Ողջույնի, բարիգալստյան ջերմ արտահայտություններից հետո, քույր եկեղեցու ներկայացուցիչները հյուրընկալվում են վեհարանում:

Սեպտեմբերի 22-ին՝ ուրբաթ օրը, պատվիրակությունն այցելում է Մայր տաճար և ս. Հովիսիմների վանք:

Այնուհետև հյուրերը Երևանում այցելում

են ս. Սարգիս եկեղեցին, Մեսրոպ Մաշտոցի անվան Մատենադարան և ժամը 12-ին ուխտի են գնում Օշական՝ ս. Մեսրոպ Մաշտոցի գերեզմանը:

Ժամը 3-ին վեհարանի սեղանատանը, պատվիրակության և նրան ընկերակցող անձանց պատվին, տրվում է պաշտոնական ճաշկերույթ՝ մասնակցությամբ Մայր Աթոռի միաբանության:

Ընդունելությանը ներկա էր նաև Հայկական ՍՍՀ Մինիստրների սովետին առընթեր հայ եկեղեցու գործերի խորհրդի նախագահ Կ. Դալլաքյանը:

Վեհափառ Հայրապետը ընդունելության ժամանակ խոսք առնելով, Իր ուրախությունն ու գոհունակությունն է հայտնում հնդիկ մալաբար եկեղեցու պատվիրակության՝ Մայր Աթոռ ժամանաձևն ուրախ առիթով, պատմելով, որ Ինքը լավագույն հիշողություններ է պահել պատմական այն այցելությունից Քոթայառ՝ քույր եկեղեցու աթոռանիստ կենտրոնը, 1963 թվականի նոյեմբերին:

Վեհափառ Հայրապետը ընդգծում է նվիրական պարտականությունը քույր եկեղեցիների և ճշմարիտ քրիստոնյաների, պաշտպան կանգնելու աշխարհի խաղաղության դատին:

Ն. Ս. Օծությունն Իր խոսքն ավարտում է՝ բաժակ բարձրացնելով Հնդկաստանի բարօրության, մալաբար քույր եկեղեցու պետ, Ն. Սրբությունն Ուզեն կաթողիկոսի արևշատության, մալաբար եկեղեցու անասանության և բարեպաշտ հավատացյալ ժողովրդի բարօրության համար:

Հայոց Հայրապետի սիրալիր խոսքերին պատասխանում է Տ. Հովհաննես միտրոպո-

լիտը՝ շնորհակալություն և երախտագիտություն հայտնելով Հայոց Հայրապետի սիրալիր հրավերի, ջերմ ընդունելության և սրբատառ խոսքերի համար, և բաժակ է բարձրացնում հայ և մալաբար եկեղեցիների եղբայրական համագործակցության, հայ և հնդիկ ժողովուրդների բարօրության կենաց:

Վեհափառ Հայրապետը բաժակ է առաջարկում Ն. Սրբություն Ալեքսի պատրիարքի կենաց, շեշտելով, որ հայ և ռուս պրավոսլավ եկեղեցիները եղբայրներ են, և հայ ժողովրդի պատմության վերջին հիսնամյակում մանավանդ, ռուս բարի ժողովուրդը կատարել է մեծ և շնորհակալ գործ՝ հայ ժողովրդի ազգային զարթոնքի համար: Այս զգացմունքներով, ի դեմս տ. Մելքիսեդեկ եպիսկոպոսի, Վեհափառ Հայրապետը բաժակ է բարձրացնում Տ. Ալեքսի պատրիարքի կենաց:

Հայոց Հայրապետի հուզիչ խոսքերին պատասխանում է տ. Մելքիսեդեկ եպիսկոպոսը երախտագիտական և շնորհակալության զգացմունքներով, շեշտելով, որ հայ և ռուս եկեղեցիների և ժողովուրդների բարեկամությունը խորը արմատներ ունի՝ հիմնված փոխադարձ սիրո, հարգանքի վրա:

Մալաբար քույր եկեղեցու պատվիրակության պատվին տրված ճաշկերույթն ավարտվում է խմբովին երգված «Հայր մեր»-ով:

Երեկոյան ժամը 7-ին հարգարժան հյուրերը այցելեցին հոգևոր ճեմարան, ուր նրանց ջերմորեն ողջունեց տեսուչ հոգ. տ. Ներսես Ծ. վրդ. Պողոսպալանը՝ ծանրանալով ճեմա-

րանի անցյալի պատմության, հայ եկեղեցու կյանքում նրա կատարած մեծ դերի և այժմյան վիճակի, ուսանողության թվի, ուսումնական ծրագրի վրա:

Ուսանողները, ի պատիվ հյուրերի, կատարեցին մի շարք կրոնական երգեր և շարականներ:

Վերջում Տ. Հովհաննես միտրոպոլիտը և Քոթայամի աստվածաբանական ճեմարանի փոխ-տեսուչ հ. Մ. Վ. Զորջը հանդես եկան ճեմարանի ուսանողության ուղղված խրատական խոսքով:

Սեպտեմբերի 22-ին՝ ուրբաթ.

Այսօր առավոտյան ժամը 10-ին հյուրերը և նրանց ընկերակցող անձինք ուխտի գնացին ս. Գեղարդի վանքը և այցելեցին Գառնիի ավերակները:

Սեպտեմբերի 23-ին՝ շաբաթ.


Հնդիկ մալաբար եկեղեցու պատվիրակությունը և նրան ընկերակցող անձինք ուխտի գնացին Սևանի պատմական վանքերն ու զբոսապտույտ կատարեցին լճի վրա:

Երեկոյան ժամը 8-ին վեհաբանում հյուրերը դիտեցին «Էջմիածին» կինոնկարը:

Սեպտեմբերի 24-ին՝ կիրակի, առավոտյան ժամը 9-ին, քույր եկեղեցու պատվիրակությունը և նրան ընկերակցող անձինք հրաժեշտ առին Հայոց Հայրապետից և մեկնեցին Կիև:

Օդանավակայանում հարգելի հյուրերին ճանապարհեցին՝ գեր. տ. Հակազուն արքեպիսկոպոսը, տ. Ներսես Ծ. վարդապետը և տ. Մուշեղ վարդապետը:





ՊԵՏԱԿԱՆ ՀԱՅՐԱՊԵՏՈՒԹՅԱՆ ԶԵՆԻՏԱՆԻՍԿԱՅ ԷԿԵԿԵՍԻԱՅ ԿԵՆՏՐԱԼ ՍԵՐԵՏԱՐԻԱՅ ԿԱՆՈՆԱԿԱՆ ԵՎ ՄԱՅՐԱՊԵՏՈՒԹՅԱՆ ԱՆՎԱՐՆԵՐՈՒ